

Aningaasanut tunngasumik ingerlatsivimmik (finansiel virksomhed), tassannga aningaasaateqarfik, sillimmasiisarfik, soraarnerussutisiaqarfik kalaallinik tamakkiisumik amerlanerussuteqartunilluunniit pigineqartussamik, pilersitsinissamut periarfissanik nalunaarusiornissamut Naalakkersuisut peqqunneqarnissaannut Inatsisartut aalajangiiffigisassaattut siunnersuut. Nalunaarusiaq UKA2026 aallartinnginnerani Inatsisartunut agguanneqassaaq
(Inatsisartunut ilaasortat, Naleraq)

Akissuteqaat

Aappassaaneerinninneq

Naalakkersuisut isumaliutissiissut qujassutigaat, ataatsimiititaliallu aalajangiiffigisassatut siunnersuutip akuersissutigineqarnissaa inassutigaa maluginiarlugu.

Nalunaarusiap kissaatigineqartup suliarinissaa Naalakkersuisut qilanaaraat. Suliamulli tassunga piffissamik pisariaqartumik atugassanngortitsinissaq pisariaqarpoq, Naalakkersuisummi sukumiisumik suliaqarnissaq kissaatigaat.

Taamaammat nassuiaammut killiliussap siunnersuummi piffissamut missingiutaaqqaartup malinneqarnissaa Naalakkersuisut siunnersuutigaat. Taamaammat allannguutissatut siunnersuut tulliuuttoq Naalakkersuisut saqqummiuppaat:

”Aningaasanut tunngasumik ingerlatsivimmik (finansiel virksomhed), tassannga aningaasaateqarfik, sillimmasiisarfik, soraarnerussutisiaqarfik kalaallinik tamakkiisumik amerlanerussuteqartunilluunniit pigineqartussamik, pilersitsinissamut periarfissanik nalunaarusiornissamut Naalakkersuisut peqqunneqarnissaannut Inatsisartut aalajangiiffigisassaattut siunnersuut. Nalunaarusiaq UPA2027-mi Inatsisartunut agguanneqassaaq”.

Allannguutissatut siunnersuutip tamatuma akuerineqarnissaa Naalakkersuisut inassutigaat, taamatullu oqaaseqarluta suliaq qilanaaraarput.